



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Qvi Filii Sint Legitimi, Et De exactione dotium post diuortium; & ad quem
pertineat huius causae cognitio.

urn:nbn:de:hbz:466:1-15588

Competen-
ter determi-
nat, cum
prior Canō
id non ne-
get.

posteriorem Canonem, etiam post compaternitatem ge-
niti, simul possint copulari, præter illam personam, per
quam compaternitas contrahitur, nisi consuetudo eccle-
siæ, quæ scandalum generet, aliter se habeat.

ANNO
CHRISTI
1179

CAP. II. *Idem eidem in eadem epistola.*

Si vir vel mulier scienter aut ignoranter filium suum de
sacro fonte susceperit, an propter hoc ab inuicem separari
debeant & alii copulari, quia nos generaliter consulere
voluisti, consultationi tuæ respondemus, quod quamuis
sit generaliter constitutum vt debeant, quidam tamen hu-
manius & potius sentientes, aliter statuunt: & ideo nobis
videtur, quod siue ex ignorantia, siue ex malitia id fece-
rint, non sunt ab inuicem separandi, nec alter alteri debi-
tum debet subtrahere, nisi ad continentiam seruandam
possint induci. Quod si ex ignorantia id factum est, eos
excusare ignorantia videtur: si ex malitia, eis sua fraus non
debet patrocinari vel dolus.

PARS
XXXIII.

QVI FILII SINT LEGITIMI,
ET DE EXACTIONE DOTIVM
post diuortium, & ad quem pertineat
huius causæ cognitio.

CAP. I.

Idem Exoniensis episcopo.*

MEMINIMVS nos fraternitati tuæ super causâ quæ in-
ter P. & R. de quadam hereditate vertitur, quam
idem P. nomine Sibyllæ vxoris suæ petebat, tali modo scri-
pisse, vt si constaret, prout literæ tuæ continebant, inter
dicti R. patrem & matrem, post eius natiuitatem matri-
monium fuisse contractum, eum omni appellatione remo-
ta legitimum esse denunties, & ab hereditate paterna pro-
pter causam prædictam nullatenus debere repelli. Tanta
est enim vis * sacramenti, vt qui antea sunt geniti, post
contractum matrimonium habeantur legitimi. Verum
quoniam P. ultra quam in literis tuis continetur, nobis
significauit, quod pater suus, viuente vxore, matrem R.
tenebat, & eum in adulterio procreasset, & quod in mor-

* matri-
monii

ANNO
CHRISTI
1179.

tem ipsius vxoris mater fuerit machinata: fraternitati tuæ, &c. quatenus rei veritatem inquiras, & si tibi constiterit, quod viuente vxore, pater prædicti R. matre ipsius publice abusus fuisset, eum spurium, & ab hereditate repellendum, præsertim si mater ipsius in mortem prioris vxoris fuerit machinata, decernas, quoniam inter se legitimum matrimonium contrahere non potuerunt.

CAP. II.

Idem venerabili fratri N. episcopo Bathoniensi.

Ex conuestione E. mulieris, nobis innotuit, quod R. quondam vir suus, a quo, sicut dicitur, fuit sine iudicio ecclesiæ separata, dotem suam sibi reddere contradicit. Quia vero indecens est, & a iuris ordine alienum, vt prædicta mulier dotem suam amittat, fraternitati tuæ, &c. quatenus si eadem mulier a prædicto viro, iudicio ecclesiæ, separata fuerit, ipsum moneas & inducas, & si necesse fuerit, appellatione remota, ecclesiastica districtione compellas, vt prædictæ mulieri dotem suam restituat, aut secundum terræ consuetudinem, in præsentia tua iustitiæ plenitudinem exhibeat.

CAP. III. *Idem.*

Conquestus est nobis H. lator præsentium, quod quamdam mulierem neptem R. accepit in vxorem, & præfatus R. ipsam exheredare conatur, eo quod ante desponsationem matris suæ nata fuerit: cum postea, prout dicitur, pater præfata mulieris, matrem ipsius acceperit in vxorem. Inde est quod fraternitati tuæ, &c. quatenus rei veritate diligenter inquisita & cognita, nullius appellatione obstante, legitimam esse iudicetis, inhibentes prædicto R. ex nostra & vestra parte, ne sæpedictæ mulieri vel heredibus suis hac occasione super hereditate sua molestiam inferat vel grauamen. Si autem contra inhibitionem nostam venire præsumserit, sublato appellationis remedio, ecclesiastica seueritate percellatis.

CAP. IV.

Idem Londoniensi & Vigornienti episcopis.

Causam quæ inter R. & F. super eo quod mater iam

PPPP iij

dicti R. dicitur non fuisse de legitimo matrimonio nata, ^{ANNO} ^{CHRISTI} ¹¹⁷³ agitari dignoscitur, experientia vestra iam pridem commissimus terminandam. Verum quia in literis nostris inferi fecimus, ut saepesato R. possessionem omnium eorum, quorum possessor extitit, quando auus suus iter Hierosolymam proficiscendi arripuit, ante principalis causa ingressum faciatis appellatione cessante restitui, si eadem possessione fuisset per violentiam spoliatus. Nos attendentes, quod ad regem pertineat, non ad ecclesiasticam auctoritatem, de talibus possessionibus iudicare, ne videamur iuri & dignitati carissimi in Christo filii nostri H. regis Anglorum principis detrahere, qui (sicut accepimus) motus est, & turbatus, quod de possessionibus non scripsimus ei, cum ipsarum iudicium (ut asserit) ad se pertineat: volumus, & fraternitati vestrae mandamus, quatenus possessionum iura regi relinquentes, factum de principali causa, videlicet utrum mater praedicti R. de legitimo matrimonio fuerit nata, plenius cognoscatis, & eam vel aliam secundum literarum nostrarum tenorem, appellatione remota, terminetis, licet incongruum videatur, ut matrimonium genitricis praefati R. impetatur, quod ea viuentis, ut dicitur, non fuerit impetitum.

CAP. V. *Idem.*

Cum inter I. veterem conciuem nostrum & T. mulierem diuortii sit sententia canonice prolata, filii eorum, qui ante sententiam nati fuerunt, & ille qui tunc conceptus erat, non debent exinde sustinere iacturam, cum parentes eorum publice sine contradictione ecclesiae matrimonium inter se contraxerint: inde est quod auctoritate apostolica statuimus, ut filii eorum, quos ipsi ante diuortium habuerunt, & qui conceptus fuerat ante latam sententiam, nihilo minus legitimi habeantur, & quod in bona paterna iure hereditario succedant, & de bonis parentum suorum nutriantur. Quocirca venerabilitati vestrae, &c. quatenus praefatos filios memorati I. praedicta mulieris succedere in paterna bona, & exinde nutririi non prohibeatis; nec occasione diuortii in parentes eorum celebrati, eis a quoquam molestiam vel grauamina sustineatis inferri.